

報

欽差大臣督辦新疆軍務兵部右侍郎二等男臣劉銘崇跪 奏爲呈 進回部 貢金恭摺仰祈 聖鑒事竊照新疆色勒庫爾之南回部坎巨提向來按年進 貢沙金該頭目俄則項前於光緒四年呈 進大學士前督辦新疆軍務臣左宗棠奏奉 諭旨飭理藩院議奏援案賞給大緞二疋由左宗棠就近發給祇領業經欽遵辦理在案茲准幫辦軍務廣東陸路提臣張曜咨稱現復據該頭目米爾阿札呈到進 貢沙金一兩五錢已將例 賞大緞二疋發交米爾阿札祇領咨請具奏前來臣覆查無異除將所 進沙金一兩五錢咨送內務府呈 進外謹會同幫辦軍務廣東陸路提督臣張曜恭摺具奏伏乞 皇太后 皇上聖鑒謹奏奉 聖機大臣奉 旨該衙門知道欽此○奴才宗室延煦跪 奏爲接管關稅前後任計算一年期滿徵收洋藥稅銀數目並辦理情形據實奏 聞仰祈 聖鑒事竊查崇文門徵收洋藥稅銀向係專款解交部庫奴才等於接管

光緒十年 武廟 惟省米同 惟局海防 惟陽江等 起上海公 傷安典吳 案芝其稟 劉彭盛稟

花叢惡疾 章臺妓我見猶憐曲聖名嫌彼非 可與蓋送往迎來疔可慮而蹤跡秘跡瘋疾堪 虞倘一沾其惡疾必至悞已終身如甲乙之事可 穢已粵垣有甲乙二人皆繇店東主也奸作狹邪 遊與妓女金仔嚙金乃新填地區落娼院之錢樹 子也年逾三十淫治性成得夏姬之術望之如二 十許有詢以馬齒幾何則以二九對且自認弱質 香閨依然處子有招其薦密妃之枕者非洋妖十 餅難謀一夕之歡即粵俗稱爲半梭門琵琶仔者 是也惟其夙膺大癩但紅雲未現乎面目且每於

游民說 先王立法民無職事者出夫家之征蓋爲小民游手好閒不務稼穡戒也自後世井田不行民多失業貧富均無可恃大家子弟既耽於膏粱文繡而罔知猛省小戶頑氓又安於下流市僧而莫識非爲由是辜君親之恩違師傳之教日棄其詩書禮義貿貿然游於安佚游於酒食且游於書樓畫舫以快其聲色之狂胸且游於牌館攤場以肆其貨利之罔念勢不至於金盡裘敝產蕩家傾不止然當此之時果能藉平旦之氣撫清夜之思鑒前車防後轍或習於農土或習於商賈則回頭卽覺岸耳夫人生孰甘爲無賴之輩而不樂爲有用之人苟其慨然思返則淪落半生亦未始不可收功於遲暮也無如此輩積習已久立足不牢而藐法之徒仍復多方煽惑設爲賭局務擾人仰事俯畜之資以飽其虎視鯨吞之欲噫衛至於賭校矣哉賭之爲害烈矣哉此啼飢號寒之父母妻子所爲痛心切齒而良有司屢爲禁戒不已也方今 聖主當陽賢臣出治而粵之賭風爲之一煥革弊興利正未有艾將有以取無賴之民置之安分之天而不擾也吾爲斯人幸矣○撫憲奏稿 臣劉秉璋片 再昨准漕運總督臣楊昌濬咨函飭調留浙記名總兵莫坤和原帶楚軍一營赴閩臣因該營駐紮泗安爲三省要道緝捕彈壓均關緊要萬難輕動且近日沿海鎮道添員添餉之文急如星火一概應付轉以原有之營調往他省似非正辦惟莫坤和係楊昌濬舊部是以

台灣近聞 台灣澎湖來信言月之十一日上午稅務司由台灣府駕小艇至法炮船會晤艦船主謂該船於初七日被山上砲台放炮轟擊其船幾遭沉溺又云法刺嘉利順尼亞鐵甲船現已南下矣信息又言十二日上午華軍在山上用遠鏡窺見有法戰船二艘泊於口外中國巡船名飛虎欲駛進台灣法船辣顛兒而追之飛虎見法船奔突而來恐嚇有失即駛於南約離海濱十里辣顛離十六里飛虎船身輕便行甚快捷辣顛追之不及遂獲無恙然亦險矣吁法以驢武穹兵爲封家長蛇肆其吞噬無論中國船艘來往固多阻碍即各國商船亦要攔截盤搜如此行爲直如海盜耳安得持干將之劍盡斬法人之首懸大白於天下而陳其罪狀也○貸款傳聞 風聞中國因建火車路經費浩繁擬向渣甸洋行貸銀五百萬兩以資費用其息銀以過年七厘算云○互換鳥獸 禹貢有禽荒之戒旅獒有賤物之箴似

福州近聞 初十日福州信息謂現是處天朗氣清時常刈穫禾稻豐收農人有滿篝之喜道路聞擊壤之歌婦子嬉嬉室家相慶東坡詩云自是豐年有笑聲斯語良不虛也新任閩浙總督楊石泉制軍現雖行抵閩垣然猶未蒞任視事聞俟巡防既畢然後履新云目下閩省兵勇眾多惟軍法甚嚴並無強買強賣滋擾等事非管帶之得人奚能若是乎○豹罹於網 嘉刺巴信息謂八月初十日標紮索地方獲有一豹聞此豹常在附近該處總督園圍出見園中麋鹿爲其所傷民居鷄犬亦常有遭其噬嚙者居民來往恒有戒心因聚謀設計施網於園之四隅以束縛此豹是日該豹果來園圍游行逐罹於網土人即擊以鎗七响不斃縛而投諸河溺斃然後出示於眾俾居民知之官亦不必談之色變矣○照會譯錄 法國圪士報謂諒山之役當法國副將德堅尼請華兵退回中國疆界中國統兵官李黃衛三大員曾有照會回覆請其電知總署茲譯錄其畧以供眾覽其畧曰貴國寬尼亞在天津云彼國法國二十日之後法兵即進紮東京交界中國之兵應即撤退本官等與閣下知之但閣下欲我軍登即退回中國地界須俟接有總理衙門移咨方能退兵非本官等欲背天津之約也況必俟有命令然後能知退駐何地本官等希閣下發電至京師請總理衙門速爲移咨俾即退兵倘本官等接有總理衙門咨文即行退兵離越南之地矣現兩國既言歸于好必不可再生齟齬云云此

新書出售

啟者譚宴昌又名達軒先生所出字典彙集通商指南一書前已不脛而馳遍行中外雅蒙 諸君擊節歎賞惜此書業已售盡然蒙 列君屢次問詢郵寄探故小店不計工本重行排印其篇幅較前增益有三分之二全書之旨專取其淺而易明字典中有分中外用意虛實字義通商指南中則從字母論起凡交接言詞貿易散語生意告白往來書信官場文書中外稅則等無不賅備悉係華英合璧實初學之寶船也倘 諸君欲採買者先親為快矣現有新出船板及各款書籍直行康熙字典明晰精細佩文韻府小題真珠船小題文數四書味根錄南巡盛典各種畫譜等書資治通鑑武備志唐土名勝圖元明清史清史覽要三國全圖演義格物化學等書各國地理全圖安南地圖全圖並有花旗燕醫生清胃補丸各種藥水英國何老藥丸藥膏法國清甜藥水紀丁咳片發售已上各種之藥奇妙未能細及價極相宜 諸君欲賜顧請至香港文武廟直街荷李活道文裕堂華英書店便是本堂並無分別店特此佈聞 光緒十年六月十四日 香港文裕堂謹啟 士

啟者男等別
 字少彭因事
 開辦現已不
 在本行顧工
 特此週知
 甲申年九月
 初八日
 白

啟者本公司老本
 息准于九月二十
 日開派屆時請各
 股東在港到安泰
 公司在省到陳春
 收處將股票簿繳
 銷支銀爲荷
 光緒十年 九月
 十一日省港華合
 電報公司謹啟

頭刺中樞凝滯作嘔飲食不消心腹疼痛肝腎骨痛胸
 腹背四肢脹痛大便秘結飲酒過多口氣腥臭酒風脚氣
 癰癤癰黃食黃疽痔瘡癰癰皮膚勝光受濕一切等症兼
 婦人經期不調肝血臍汁不和舌頭白變黃色苔色頭暈
 花週身困倦飲食少進坐臥不寧服之最驗如遇此等症
 壯病輕者每服二三丸重者每服四五丸老弱與小兒八
 至十二歲病輕者服一九重病服二九十三歲至十六歲
 服二九宜臨睡時服之更效每樽價銀一錢八小七分二

延年益壽玉桂藥酒 本藥房揀選上品藥料精製此酒其味清香且性純和不燥不熱功能補氣養血溫中煖胃舒暢筋骨養心寧神行滯消食壯元陽煖子宮益精腎引火歸元令人有子無論男婦老弱均合常飲者喜其味適口充腸每早晚飯前飲此一小杯頓覺遍身暢快醅酌微些嗜好酒者更有益焉如欲戒烟者每餐飲的堅壯身體又能原其易於斷癮之妙 每樽價銀三錢六

固本寧神丸 此丸專治男婦房勞過度虧損真元以致心腎不交精神恍惚及男子陽痿九翻婦人子宮寒冷難於種子等症服此最能固本寧神久服自然反弱為強極麟廣嗣誠有陰陽俱補之功氣血兼培之力服者每日宜服三次每次吞一九用溫茶送下但孕婦勿服 每樽價銀 大一錢八分 小七分二厘

婦科調經丸 此丸善理營衛衝任二脈血氣滯肝腎不和以致天癸不調諸多痛楚服之專治婦人閉經或經血過多不止或少而不來或遲早不依期候臨經胸腹作痛等症最為效驗服後不特調經有准而且易於受孕每日宜服三次每服一九宜於食飯前後之際用茶吞服 每樽價銀 大三錢六分 小一錢八分

酒風脚丸 此丸專治酒風脚痛能理肝腎風痰濕氣沁入經絡腰腿下部麻木酸軟痛腫一切等症兼治風痰鶴膝漆不奏效患此者每日宜服三次每次以服兩九為度宜即在飯後服之最驗倘年久症深晚間再加服二九如法日服不斷厥疾無不廖矣 每樽價銀大三錢六中一錢八分 小七分二厘